



**CONVENIO PARA CONCESIÓN DUNHA SUBVENCIÓN DIRECTA ENTRE A AXENCIA GALEGA DE DESENVOLVEMENTO RURAL E O CONCELLO DE RIÓS PARA O PROXECTO SENLLEIRO DE RECUPERACIÓN E MELLORA PAISAXÍSTICA DE DIVERSAS FONTES NO CONCELLO DE RIÓS NA CATEGORÍA "PROMOCIÓN E POSTA EN VALOR DO PATRIMONIO HISTÓRICO DA COMARCA."**

Santiago de Compostela, na data da sinatura electrónica.

**REUNIDOS**

Dunha parte, D. José González Vázquez, conselleiro do Medio Rural, en virtude do seu nomeamento polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia (DOG núm. 94, do 16 de maio), na súa condición de presidente da Axencia Galega de Desenvolvemento Rural (en adiante, a Axencia), CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Axencia do 21 de xullo de 2021 (DOG núm. 148, do 4 de agosto).

Doutra parte, D. Eva María Barrio López, na súa condición de alcaldesa do Concello de Riós, segundo o disposto no artigo 61 da Lei 5/1997, da administración local de Galicia, do artigo 21 da Lei 7/1985, do 2 de abril, reguladora das bases do réxime local, e do artigo 24 do Real decreto legislativo 781/1986, do 18 de abril, do texto refundido das disposicións legais vixentes en materia de réxime local.

Ámbalas partes teñen plena capacidade para levar adiante este convenio e,





## EXPOÑEN

**Primeiro.-** Que ambas entidades son conscientes da necesidade de favorecer as condicións do entorno rural para a mellora da calidade de vida da poboación. Poder contar cunha adecuada oferta no ámbito do ocio, do deporte, da cultura, e/ou nos sectores produtivos, así como cunha boa gama de servizos básicos é fundamental para acadar unha mellora das condicións de socialización e interrelación das parroquias rurais de Galicia. Todo isto, dende a premisa principal de garantir a existencia das infraestruturas básicas e de mellorar a estrutura do territorio para poder fixar a poboación do rural galego.

**Segundo.-** Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agroalimentarios, xa que as actuacións sobre os ditos ámbitos contribúen a mellorar a calidade de vida e a cohesión a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.





A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros ([https://Axencia.xunta.gal/sites/w\\_pagade/files/documentacion/acordos/2022\\_04\\_28\\_acordo\\_proxectossenlleiros.pdf](https://Axencia.xunta.gal/sites/w_pagade/files/documentacion/acordos/2022_04_28_acordo_proxectossenlleiros.pdf)), modificado por acordo do 7 de novembro de 2022 do Consello de Dirección da Axencia Galega de Desenvolvemento Rural polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais en man común (punto 4.2 do Acordo) ([https://Axencia.xunta.gal/sites/w\\_pagade/files/documentacion/acordos/2022\\_11\\_7\\_certificadossenlleiros.pdf](https://Axencia.xunta.gal/sites/w_pagade/files/documentacion/acordos/2022_11_7_certificadossenlleiros.pdf)). As regras deste Acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

**Terceiro.-** Nos termos previstos na Lei 7/1985, do 2 de abril, de bases do réxime local, o Concello da Riós para a xestión dos seus intereses e no ámbito das súas competencias, promove actividades e prestar os servizos públicos que contribúen a satisfacer as necesidades e aspiracións da comunidade veciña. No ámbito destas competencias, desenvolve todas aquelas funcións que favorezan o desenvolvemento da súa contorna. Por outro lado, o Concello de Riós, como entidade máxima da representación do seu territorio debe de ser unha entidade referente na potenciación de actuacións que favorezan ese desenvolvemento.

O 5 de maio de 2023 o Concello de Riós presentou unha solicitude de colaboración á Axencia Galega de Desenvolvemento Rural para o financiamento dun proxecto senlleiro dentro da categoría de "Promoción e posta en valor do patrimonio histórico da comarca". Xunto coa solicitude achegou o proxecto técnico de recuperación e mellora paisaxística de diversas fontes no Concello de Riós, onde se propón recuperación e mellora do entorno de diversas fontes, pozos, bebedeiros, ... que existen en diversos puntos do Concello de Riós.

O principal obxecto das obras que se proxectan é realizar pequenas actuacións en diversas fontes e pozos localizados ao longo do Concello de Riós, que permitan a recuperación da





principal función das mesmas, así como a mellora paisaxística destes elementos etnográficos, tanto das propias fontes, pozos, estanques, bebedoiros e tanques como do seu entorno, dotando dun aspecto coidado as zonas onde se realicen as actuacións.

Coa execución das obras proxectadas conseguirase recuperar as principais funcións que estes elementos etnográficos realizan nas poboacións onde están situadas, revalorizando ao mesmo tempo o seu valor paisaxístico.

Trátase de espazos público que teñen unha importancia arquitectónica e etnográfica no entorno que vai ser obxecto de intervención, así como un marcado significado histórico, social e cultural para a comarca ao tratarse de elementos que recuperan e manteñen a historia e a memoria da comarca e ser un lugar de encontro, relación e satisfacción da veciñanza.

A finalidade que se persegue con este proxecto técnico é a recuperación e mellora paisaxística de diversas fontes no Concello de Riós. As fontes son elementos singulares de cada localidade, e ao redor delas, antes da época das traídas, viraba a vida da comunidade e era un lugar de encontro de veciños. A día de hoxe en moitos núcleos rurais, segue manténdose esta costume de encontro e lecer arredor das mesmas sen esquecer a importante función de subministro de auga á veciñanza.

De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrencia pública para a realización desta actuación é dada a necesidade de atender áreas específicas como a Promoción e posta en valor do patrimonio histórico da comarca. Neste caso o proxecto técnico presentado polo Concello de Riós de recuperación e mellora paisaxística de diversas fontes no Concello de Riós, propón a rehabilitación deste espazo público por ter un marcado significado histórico, social, cultural e etnográfico para a comarca na que se sitúan, co fin de destinalos a un uso público compatible cos seus elementos e características.

En consecuencia, o citado proxecto ten cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Preservación dos valores sociais e culturais do medio rural.
- Potenciación de elementos que recuperen ou manteñan a historia e a memoria da comarca.
- Mellora da relación social dos veciños.
- Revalorización de infraestruturas e inmobles desaproveitados.
- Satisfacción de necesidades e aspiracións da veciñanza.





- Fortalecemento do orgullo e satisfacción de pertenza á comunidade rural beneficiaria do proxecto.
- Potenciación de elementos que recuperen ou manteñan a historia e a memoria da comarca.

Por outra parte, as actuacións propostas cumpren os requisitos a) previstos para a categoría A) da regra 3 do acordo do 20 de abril de 2022:

A) Promoción e posta en valor do patrimonio histórico da comarca.

Os proxectos senlleiros deste tipo deben reunir algunha das seguintes características:

- a. Realizar a rehabilitación, reconstrución ou recuperación de edificacións, infraestruturas ou espazos públicos singulares, ou por teren un marcado significado histórico para a comarca na que se sitúan, por pertencer a correntes artísticas recoñecidas, co fin de destinalos a un uso público compatible cos seus elementos e características tradicionais, priorizando o seu uso tradicional.

Ademais, o citado Acordo do 20 de abril de 2022 (modificado neste apartado polo Acordo de 7 de novembro de 2022 do Consello de Dirección da Axencia Galega de Desenvolvemento Rural) sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Concellos.

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto técnico presentado polo Concello de Riós de recuperación e mellora paisaxística de diversas fontes no Concello de Riós dentro da categoría "Promoción e posta en valor do patrimonio histórico da comarca", cumpre cos criterios





obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

**Cuarto.-** O artigo 19.4 da Lei 9/2007, de subvencións de Galicia, establece que poderán concederse de forma directa subvencións nas que se acrediten razóns de interese público, social, económico ou humanitario ou outras debidamente xustificadas que dificulten a súa convocatoria pública.

Como se pode deducir do manifestado nos apartados anteriores, en cumprimento do establecido nos artigos 19 e 26 da Lei 9/2007, de 13 de xuño, de subvencións de Galicia, e no artigo 40 do Decreto 11/2009, do 8 de xaneiro, polo que se aproba o Regulamento da citada lei, os obxectivos que se perseguen con este convenio resultan de interese público, social e económico para o desenvolvemento rural, a través da categoría de proxecto senlleiro en que se encadra, conforme ao Acordo do 20 de abril de 2022 do Consello de Dirección da Axencia Galega de Desenvolvemento Rural, e están en consonancia coas medidas de impulso e apoio ao desenvolvemento rural levadas a cabo pola axencia.

Ademais, debido ao carácter puntual ou ocasional deste tipo de apoio e á vista das características concretas das actuacións previstas, non parece adecuado articular estas axudas a través dunha convocatoria pública, sendo a subvención directa a través de convenio a fórmula que máis se adapta á natureza destas axudas.

En concreto, en relación ao proxecto de que se trata, as razóns que xustifican o interese social e público que dificultan a promoción da concorrencia pública e a seguinte: a recuperación e mellora paisaxística de diversas fontes no Concello de Riós encádrase na categoría Promoción e posta en valor do patrimonio histórico da comarca xa que se trata de elementos que recuperan e manteñen a historia e a memoria da comarca e ser un lugar de encontro, relación e satisfacción da veciñanza.

En consecuencia, as partes, asinan este convenio para a concesión dunha subvención directa, de acordo coas seguintes

## CLÁUSULAS

### **PRIMEIRA.- Obxecto e actuacións**

O obxecto do presente convenio é o financiamento do proxecto presentado polo Concello de Riós de recuperación e mellora paisaxística de diversas fontes no Concello de Riós encádrase na categoría "Promoción e posta en valor do patrimonio histórico da comarca",





dentro do Programa de Proxectos Senlleiros da Axencia Galega de Desenvolvemento Rural.

## **SEGUNDA.- Actuacións a realizar**

As actuacións a realizar son as que se relacionan no proxecto presentada polo Concello de Riós teñen como obxecto realizar pequenas actuacións en diversas fontes e pozos localizados ao longo do Concello de Riós, que permitan a recuperación da principal función das mesmas, así como a mellora paisaxística destes elementos etnográficos, tanto das propias fontes, pozos, bebedeiros, estanques e tanques como do seu entorno, dotando dun aspecto coidado as zonas onde se realicen as actuacións.

Coa execución das obras proxectadas conseguirase recuperar as principais funcións que estes elementos etnográficos realizan nas poboacións onde están situadas, revalorizando ao mesmo tempo o seu valor paisaxístico.

As actuacións de este proxecto desenvólvense integramente no Concello de Riós e están distribuídas dentro de dito concello en catro poboacións unha das cales ten dúas actuacións:

- **Mañoás.- Fonte:** desbroce da vexetación existente na contorna e limpeza das superficies de formigón existentes, as cales teñen incrustacións de sucidade, fungos e plantas, tanto polo exterior e polo interior das mesmas. Desmontaxe do muro de cachotería existente na parte traseira da fonte-bebedeiro que suxeita o terreo superior, para a súa posterior reconstrución coas pedras procedentes da demolición do mesmo. O novo muro será dunha cara vista colocando as pedras con morteiro e enchendo as xuntas con morteiro fino. Revestimento do bebedeiro e a fonte mediante unha capa de morteiro para elucido. Na parte interior do bebedeiro, aplicarase un revestimento de dúas mans cunha pintura de cloro-caucho para piscinas. Finalmente, para a mellorar da contorna da fonte-bebedeiro, colocarase na zona entre a estrada e ditos elementos un pavimento de lastro de granito do pais ou similar de dimensións 10x10x10 cm con acabado tosco, asentado sobre morteiro de cemento e area de río. Colocación dun grifo con pulsador, que permitirá o aforro de recursos hídricos.
- **Rubiós (2 actuacións)**
  - **Tanque:** desbroce da vexetación do entorno, así como a limpeza manual dos elementos que forman o conxunto da fonte-tanque. Revestimento das superficies de formigón e tabiquería mediante unha capa de morteiro para elucido, mentres que nas superficies interiores dos tanque, aplicarase un revestimento de dúas mans cunha pintura de cloro-caucho para piscinas. Colocación unha nova tapa de fundición cadrada substituíndo a tapa actual,





que se atopa moi deteriorada.

- Pozo: Con esta actuación búscase a posta en valor dun elemento arquitectónico de carácter etnográfico localizado no centro da poboación de Rubiós. Durante a fase de deseño tívose e conta que a actuación está dentro do ámbito de protección dun ben cultural, feito que obriga a cumprir de forma máis exixente un coidado maior na harmonía da actuación.

Desmontaxe da cuberta e demoleranse os tabiques superiores de ladrillo recebado, que se engadiron ao pozo orixinal, debido a seu estado de conservación moi deteriorado. Rehabilitación do pozo cas súas formas e funcións primixenias, incorporando unha estrutura ornamental de aceiro, con tapa de pozo, soporte de polea, polea, caldeiro,... e realizando o rexuntado das pedras mediante morteiro específico de rexunte, que permitirá a mellora do aspecto do pozo ao mesmo tempo que reforzara estruturalmente os elementos do mesmo. Posta en valor da zona onde está inserido dito pozo, procedendo a demolición do firme existente, que permitirá a substitución da tripla rega asfáltica existente por un pavimento de formigón cepillado de espesor 15 cm, rodeado por un pavimento de lastro de granito do país. Proponse dita tipoloxía de pavimento, xa que o formigón cepillado e lastro de granito son solucións máis axeitadas para a zona onde está situado dito elemento. O pavimento de formigón terá unha base de 15 cm e un mallazo 30x20x5, mentres que o lastro de granito será de 10x10x10 colocado con morteiro sobre unha soleira de formigón que servirá de soporte.

- Pena do Souto.- Estanque: Desbroce e limpeza da zona da actuación deixando o lugar e a contorna libre de vexetación desordenada. A fonte revestirase mediante morteiro monocapa para revocado e colocarse unha porta de aceiro de carácter ornamental, pintada en oxirón de cor negra, feita de perfís cadrados de 16 mm inseridos nun marco. Para a recuperación do estanque procederase a retirada da terra acumulada no seu fondo, construíndo posteriormente unha soleira realizada mediante a colocación de pedra rústica no fondo do estanque e marcando o seu perímetro mediante lousas verticais irregulares creando un paisaxe natural. Por último realizárase no camiño de acceso dende a poboación unha pequena actuación de renovación do firme, consistente na limpeza do mesmo e posterior estendido dunha base de saburra artificial de 15 cm de espesor.

- A Tropa.- Fonte: Reconstrución do muro de cachotería actualmente derrubado, quedando realizada dita reconstrución mediante os materiais procedente de derribo. Estará colocados con morteiro e as xuntas terán morteiro fino. Os elementos de formigón do tanque anexo limparase de forma manual, eliminando de este xeito os





fungos, vexetación e sociedade acumulada. Tras dita limpeza, procederáse ao revestimento dos elementos externos con unha capa de morteiro para elucido e a cara interna de dito tanque pintarase cunha pintura de cloro-caucho.

Ao abeiro do presente convenio considéranse actuacións subvencionables os investimentos e gastos realizados polo beneficiario que se detallan no Anexo I "Orzamento xeral, descrición das obras e xustificación dos prezos" de este convenio e cumpran as condicións que se detallan no proxecto presentado.

### **TERCEIRA.- Obrigas do Concello de Riós**

O Concello de Riós comprométese a facer constar en toda a publicidade -tanto impresa como audiovisual- a colaboración da Axencia e a Xunta de Galicia, para o que utilizará a normativa da imaxe corporativa da propia da Axencia . Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

O beneficiario deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o Concello de Riós cumpra co deber de remisión ao Consello de Contas das contas xerais de cada exercicio

O Concello de Riós deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.





A sinatura deste convenio implica, de ser o caso, a autorización a Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

O Concello de Riós comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. Axencia poderá comprobar, cando o considere pertinente, a execución das actividades obxecto deste convenio.

#### **CUARTA.- Financiamento**

O gasto total das actuacións do proxecto de recuperación e mellora paisaxística de diversas fontes no Concello de Riós, a desenvolver polo beneficiario no marco deste convenio, de acordo co orzamento previsto no proxecto, ascende a cincuenta mil oitocentos vinte e tres euros con cincuenta e tres céntimos (50.823,53 €), para o período 2023.

Para o desenvolvemento desas actuacións, a Axencia Galega de Desenvolvemento Rural concede ao Concello de Riós unha subvención directa a fondo perdido por un importe de 50.823,53 euros, para a anualidade 2023.

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2023, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 14.A1.712A.760.0 dos orzamentos xerais da Comunidade Autónoma de Galicia para o ano 2023, código de proxecto 2017-00003.-"Actuacións senlleiras de mellora do patrimonio rural".		<b>TOTAL</b>
<b>Importe</b>	<b>2023</b>	50.823,53 €
	50.823,53 €	





Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do Decreto 193/2011, do 6 de outubro, pola que se regulan especialidades nas subvencións ás entidades locais galegas, a Axencia Galega de Desenvolvemento Rural poderá efectuar pagos anticipados, que suporán a entrega de fondos con carácter previo á xustificación, ata un importe máximo do 50% da cantidade total subvencionada. Este anticipo non poderá superar o importe previsto para cada anualidade. A concesión do anticipo farase mediante resolución motivada.

O pagamento restante realizarase no momento da completa xustificación polo Concello de Riós do cumprimento da finalidade e demais condicións establecidas no convenio.

O Concello de Riós tamén poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 40.658,82 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros, as administracións públicas.





No caso de que o Concello de Riós solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

#### **QUINTA.- Xustificación dos gastos**

O beneficiario xustificará ante a Axencia Galega de Desenvolvemento Rural a realización das actuacións previstas no proxecto que inclúe a memoria técnica valorada ascende a Cincuenta mil oitocentos vinte e tres euros con cincuenta e tres céntimos (50.823,53 €) para anualidade 2023.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño, e de acordo co previsto no Decreto 193/2011, do 6 de outubro, polo que se regulan especialidades en subvencións ás entidades locais galegas.

De conformidade co previsto na Lei 9/2007, de subvencións de Galicia o prazo de execución e xustificación rematará o 30.11.2023 sen prexuízo de que as actividades subvencionadas sexan as executadas a partires do 01 de xaneiro de 2023.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa da subvención presentarase electronicamente na Carpeta do cidadán da persoa solicitante/representante;

<https://sede.xunta.es/carpeta-do-cidadan> e incluírá a seguinte documentación:

- Certificación expedida pola Secretaría da entidade co visto e praxe da Alcaldía, relativa á aprobación polo órgano competente da conta xustificativa da subvención, na que se faga constar de forma detallada:
  - a) O cumprimento da finalidade da subvención.
  - b) Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acredor/a, número de factura ou





documento equivalente, importe, data de emisión e data de recoñecemento da obriga polo órgano competente.

- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Declaración que conteña unha relación detallada doutras subvenciones, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Informe favorable de autorización da Dirección xeral de Patrimonio Cultural da Xunta de Galicia ao verse afectado algún ben que é obxecto de protección cultural.
- Permisos, licenzas e autorizacións que resulten preceptivos segundo a lexislación vixente.
- Certificación ou informe da persoa titular da Secretaría ou da Intervención da entidade local ou, de ser o caso, do/da empregado/a público/a que, de acordo coa estrutura organizativa do concello, teña atribuída as competencias en materia de contratación pública, acreditativo de que o procedemento de contratación se tramitou nos termos previstos na normativa de contratación do sector público, e con indicación do procedemento seguido para a contratación das obras subvencionadas.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.

A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, do 13 de xuño, de subvencións de Galicia, e na Lei 9/2017, do 8 de novembro, de contratos do sector público.

No caso de que o Concello de Riós non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora





correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

#### **SEXTA.- Compromiso de participación das mulleres.**

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

#### **SÉTIMA.- Causas de resolución**

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

#### **OITAVA.- Publicidade**

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificatevos das persoas asinantes.

Así mesmo, o Concello de Riós acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral





de subvencións, modificado polo artigo 30 da Lei estatal 15/2014, do 16 de setembro, de racionalización do sector público, e outras medidas de reforma administrativa. Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no Decreto 126/2006, do 20 de xullo, e no Decreto 132/2006, do 27 de xullo.

### **NOVENA.- Xurisdición**

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia, e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións. Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

### **DÉCIMA.- Vixencia**

O período de vixencia deste convenio será dende a súa sinatura e ata o 15 de decembro de 2023, sen prexuízo de que as actividades subvencionadas sexan as executadas a partires do 01 de xaneiro de 2023.

### **DÉCIMO PRIMEIRA.- Comisión de seguimento**

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado polo Concello de Riós e un representante designado pola Axencia Galega de Desenvolvemento Rural.

### **DÉCIMO SEGUNDA.- Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das





administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica).

Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade, asíñase o presente convenio no lugar e data arriba indicados.

José González Vázquez  
(P.D. Acordo do Consello de  
Dirección do 21.07.2021)  
Presidente da Axencia Galega de  
Desenvolvemento Rural

Eva María Barrio López  
Alcaldesa do Concello de Riós





## ANEXO I

### Orzamento xeral, descrición das obras e xustificación dos prezos

- Orzamento xeral

CAPÍTULO	ACTIVIDADE	PORCENTAXE	ORZAMENTO
C01	FONTE - BEBEDEIRO EN MAÑOÁS	24,68	8.225,81 €
C02	FONTE - TANQUE EN RUBIÓS	22,71	7.569,78 €
C03	POZO EN RUBIÓS	31,11	10.372,24 €
C04	FONTE - ESTANQUE EN PENA DO SOUTO	18,71	6.237,89 €
C05	FONTE - MINA NA TREPA	0,88	293,99 €
C06	Xestión de residuos	1,91	635,94 €
<b>Presuposto de execución material</b>			<b>33.335,65 €</b>
13,00 % Gastos xerais			4.333,63 €
6,00 % Beneficio industrial			2.000,14 €
21% I.V.E			6.333,77 €
<b>Total orzamento base de licitación</b>			<b>48.000,00 €</b>
<b>Total honorarios proxecto</b>			<b>1.613,45 €</b>
<b>Total honorarios enxeñeiro</b>			<b>2.823,53 €</b>
<b>Total orzamento</b>			<b>50.823,53 €</b>

- Descrición das obras e xustificación dos prezos

#### 1.- Capítulo C01- FONTE BEBEDEIRO EN MAÑOÁS

##### 1.1.- Subcapítulo C01.01 desbroce e limpeza

- 255,00 m3 Roza matogueira manual,  $\varnothing < 3$  cm, pte > 30%..... 2,98 €
- 24,27 m2 Limpeza manual en seco da superficie de formigón.....6,17 €

##### 1.2.- Subcapítulo C01.02 Albanelería

- 13,00 m2 Rev c/ mort monocapa revoco/enlucido fach.....24,71 €
- 11,27 m2 Rev pintura clorocaucho piscinas.....15,09 €
- 1 ud Grifo de latón para fonte con pulsador de 1/2 ".....86,54 €
- 19,14 m3 Reconstrución muro mampostería con morteiro.....172,37 €

##### 1.3.- Subcapítulo C01.03 Pavimentación

- 14,00 m3 Escavación e acopio terreo escavado, terreo tránsito.....1,41€
- 14,00 m3 Carga pala mecánica  $d \leq 5$ m.....0,65 €





- 14,00 m<sup>3</sup> Transporte con camión basculante d<=3 Km.....4,22 €
- 35,00 m<sup>2</sup> Preparación de camiño a formigonar.....3,46 €
- 35,00 m<sup>2</sup> Pavimento de formigón 10 cm s/grava e mallazo 20x30 cm dia 5 mm.....17,01 €
- 35,00 m<sup>2</sup> Pavimento lastro de granito.....75,28 €

## 2.- Capítulo C02 FONTE - TANQUE EN RUBIÓS

- 2.1.- Subcapítulo C02.01 desbroce e limpeza
  - 100,00 m<sup>3</sup> Roza matogueira manual,  $\varnothing < 3$  cm, pte>30%.....2,98 €
  - 319,38 m<sup>2</sup> Limpeza manual en seco da superficie de formigón.....6,17 €
- 2.2.- Subcapítulo C02.02 Albanelería
  - 50,59 m<sup>2</sup> Rev c/ mort monocapa revoco/enlucido fach.....24,71 €
  - 256,42 m<sup>2</sup> Rev pintura clorocaucho piscinas.....15,09 €
  - 1 ud Tapa fundición cadrada 65x65cm.....181,75 €

## • 3.- Capítulo C03. POZO EN RUBIÓS

- 3.1.- Subcapítulo C03.01 Demolicións
  - 6,09 m<sup>2</sup> Demolición tabique ladrillo medio pé man.....7,72 €
  - 1,44 m<sup>2</sup> Desmontaxe cuberta fibrocemento medios c/martel+c....12,96 €
  - 161,09 m<sup>2</sup> Demolición pavimento asfáltico ou formigón c/ med mecánicos.....9,83 €
  - 32,91 m<sup>3</sup> Carga pala mecánica d<=5m.....0,65 €
  - 32,91 m<sup>3</sup> Transporte con camión basculante d<=3 Km.....4,22 €
- 3.2.- Subcapítulo C03.02 Albanelería
  - 5,00 m<sup>3</sup> Calea cemento 1:2.....83,69 €
  - 1 ud Estrutura ornamental de aceiro pintado en negro Oxiron.1.605,60 €
- 3.3.- Subcapítulo C03.03 Pavimentación
  - 161,09 m<sup>2</sup> Preparación de camiño a formigonar.....3,46 €
  - 161,09 m<sup>2</sup> Pavimento de formigón 10 cm s/grava e mallazo 20x30 cm dia 5 mm.....22,27 €
  - 31,80 m<sup>2</sup> Pavimento lastro de granito.....75,28 €

## 4.- Capítulo C04. FONTE - ESTANQUE EN PENA DO SOUTO

- 4.1.- Subcapítulo C04.01 Limpeza e desbroces
  - 5,13 m<sup>2</sup> Limpeza manual en seco da superficie de formigón.....6,17 €
  - 125,00 m<sup>2</sup> Roza matogueira manual,  $\varnothing < 3$  cm, pte>30%.....2,98 €
- 4.2.- Subcapítulo C04.02 Albanelería en fonte
  - 5,13 m<sup>2</sup> Rev c/ mort monocapa revoco/enlucido fach.....24,71 €
  - 1 ud Porta ornamental de aceiro pintado en negro Oxiron.....939,58 €
- 4.3.- Subcapítulo C04.03 Mellora estanque





- 4,48 m3 Escavación e acopio terreo escavado, terreo tránsito.....1,41 €
- 4,48 m3 Carga pala mecánica d<=5m.....0,65 €
- 4,48 m3 Transporte con camión basculante d<=3 Km.....4,22 €
- 11,20 m2 Preparación de camiño a formigonar.....5,09 €
- 11,20 m2 Pavimento pedra rústica.....104,26 €
- 4,02 m3 Muro mampostería pizarra, en seco, unha cara vista; H<= 2 m.....377,63 €

#### 4.4.- Subcapítulo C04.04 Camiño de acceso

- 180,00 m2 Preparación camiño medios manuais/ mecánicos tramos estreitos.....5,60 €
- 27,00 m3 Base de saburra artificial.....36,61 €

### 5.- Capítulo C05. FONTE - MINA NA TREPA

#### 5.1.-Subcapítulo C05.01 Limpeza

- 5,10 m2 Limpeza manual en seco da superficie de formigón.....6,17 €

#### 5.2.- Subcapítulo C05.02 ALBANELERÍA

- 0,99 m3 Reconstrución muro mampostería con morteiro.....172,37 €
- 1,55 m2 Rev c/ mort monocapa revoco/enlucido fach.....24,71 €
- 3,55 m2 Rev pintura clorocaucho piscinas.....15,09 €

### 6.- Capítulo C06. XESTIÓN DE RESIDUOS

- 18,48 m3 Xestión en centro autorizado de terras e mat. pétreos mixturado.....3,26 €
- 33,22 m3 Xestión en centro autorizado de residuos mesturados construción.....17,33 €

